



Mette Arqe-Hammeken
Inatsisartunut ilaasortat, Naleraq

**Init qulifat pullattakkat (airdomes) pillugit - § 37 naapertorlugu apeqqummut nr.
050/2026-mut akissut**

20-03-2026
Sullap normua 2026 - 3567
All. nr. 26316439

Postboks 1029
3900 Nuuk
Oqarasuaat: +299 34 50 00
Email: ikin@nanoq.gl
www.nanoq.gl

Asasara Mette Arqe-Hammeken

Inatsisartut suleriaasiat naapertorlugu apeqqutitut saqqummiussanut qujanaq. Apeqqutit tullinnguuttuni akissuteqarfigissavakka.

Apeqqut 1: Kalaallit Nunatsinni illoqarfinni nunaqarfinnilu naluttarfinnik sanaartortoqarnissaani Naalakkersuisut anguniagaqarpat? Taamaappat sumi aamma suliat sumut killippat?

Akissut: Nunaqarfinni illoqarfinnilu naluttarfinnik sanaartornissamik maannakkorpiaq Naalakkersuisut pilersaaruteqanngillat.

Apeqqut 2: Avannaani aamma Ittoqqortoormiuni Tasiilamilu Airdomes naluttarfiusoq, illoqarfinni taakkunani pingasunut pilersinneqassappata qanoq akeqassappat?

Akissut:

Sanaartukkat init qulifat pullattakkat pilersinnerinut aalajangersimasumik imaluunniit assigiissaakkanik akinik peqanngilaq, sanaartukkat taama ittut assigiissaartumik angissusilerlugit imaluunniit nikinganeqanngitsumik immikkoortiterlugit sananeqarneq ajormata. Sanaartukkat init qulifat pullattakkat tamarmik immikkut suleriaatsimi suliniutitut pilersaarummi aalajangersimasumik pisariaqartitsineq malillugu ilusilersorneqartarput, sumiiffimmilu pineqartumi siunertamut, najukkami teknikikkullu piumasarineqartunut naleqqussarneqartarlutik.

Sanaartortitsinermi aningaasartuutit katinnerat arlalinnit pissuteqartumik sunnerneqartarpoq, matumani ilanngullugu pilersaarutitut suliniutip ilusilerneru aamma annertussutisip uuttuutai, atortunik oqorsarneqarnissaatalu pissaassusaata qaffasissuianik toqqaaneq, toqqavilersornissaanut piumasaqaatit, najukkami silap pissusia kiisalu teknikikkut atortulersuutit annertussusaat, taakku tamarmik ukioq kaajallallugu aalajaatsumik ingerlatsinerup qulakkeernissaanut pisariaqarmata. Tassunga ilaapput, pissutsit soorlu sanaartorfiguminarsaaneq, piareersaaneq aqutsinerlu, sanaartugassanik suliassinneqartartut piginnaasaat atortullu akiisa qaffasissusaat aamma Avannaani, Ittoqqortoormiini Tasiilamilu suliaqarsinnaasut, inaarutaasumik akigitinneqartumut annertuumik sunniuteqarsinnaapput.

Aammattaaq oqaatigineqassaaq, naluttarfiit sanaartornerinut imaluunniit sanaartukkanut ininut qulisanut pullattakkanut Naalakkersuisut misilittagaqanngimmata, taamaattumillu pitsaassuseqartumik naliliinissamut tunngaviusutut atorneqarsinnaasunik suliffeqarfimmi namminerimi akinut tunngatillugu misilittagaqartoqarani imaluunniit suliniutitut pilersaarutininik sanilliussassaqarani.

Taamaalilluni Avannaani, Ittoqqortoormiini Tasilaamilu inimik qulisamik pullattakkamik naluttarfiup pilersinnissaanut nalinginnaasumik imaluunniit assigiissaakkamik akigititap oqaatiginissaa ajornarpoq. Suliniutitut pilersaarutit taakkualu tunngavii tamarmik immikkut namminerisaminnik naliliiffigineqarnissamik piunasaqaatitaqarput, inissiiffimmi pineqartumi pissutsinut piviusunut neqeroorusiornissamik ersersitsisumik. Akinik missiliuummik naatsorsuineq qulaani allassimasut naapertorlugit sanaartornissamut periarfissarititaasut erseqqissarnissaanik piunasaqaateqarpoq, taamaattumik Inatsisartut suleriaassaat § 37 naapertorlugu apeqqummut nassuiaatit naatsorsuinerillu annertunerusut pisariartinneqartut Inatsisartut suleriusaannut ilaanngillat. Tassunga atatillugu inaarutaasumik akigitinneqartoq aamma aatsaat suliariumannittussarsiuussinerimi neqeroortoqarneratigut saqqummissaaq.

Inussiarnersumik inuulluaqqusillunga



Nivi Olsen